



## PÓST- OG FJARSKIPTASTOFNUN

### Ákvörðun nr. 10/2016

#### Afturköllun skráningar iCell ehf.

##### I.

##### Boðun ákvörðunar

iCell ehf. er skráð fjarskiptafyrirtæki á Íslandi í samræmi við 4. gr. laga nr. 81/2003, um fjarskipti.

Vegna vanskila fyrirtækisins á rekstrargjöldum, sem fyrirtækinu er skylt að greiða samkvæmt lögum var iCell tilkynnt með bréfi dags. 4. júlí og aftur 15. júlí að Póst- og fjarskiptastofnun hygðist fella niður skráningu félagsins. Voru umrædd bréf send í ábyrgðarpósti til fyrirtækisins og í tölvupósti til Andreas Fink, tengiliðs fyrirtækisins.

##### II.

##### Málavextir og bréfaskipti

Í fyrrnefndum bréfum Póst- og fjarskiptastofnunar, dags. 4. júlí og 15. júlí sl. var iCell gerð grein fyrir gjaldskyldu sinni, upphæð útistandandi skulda, þ.e. rekstrargjalds, þ.m.t. gjald fyrir tíðni, og til hvaða þvingunarúrræða stofnunin hygðist grípa til ef ekki yrðu gerð full skil á áföllnum gjöldum sbr. eftirfarandi:

*„Samkvæmt 4. mgr. 14. gr. laga nr. 69/2003, um Póst- og fjarskiptastofnun, ber iCell ehf. að greiða rekstrargjöld en vanskil vegna þessara gjalda fyrir árin 2015-2016 eru nú kr. 650.690, að frátöldum dráttarvöxtum. Í þessu sambandi vill PFS benda á að stofnuninni er heimilt að fella niður starfsheimild fyrirtækja sem vanrækja greiðslu rekstrargjalds, sbr. 9. mgr. 14. gr. laga nr. 69/2003.*

*Að öllu framangreindu virtu og í samræmi við 2. mgr. 73. gr. fjarskiptalaga nr. 81/20003, er iCell hér með gefinn frestur til **18. júlí n.k.***

*til þess að koma á framfæri skýringum sínum og athugasemdum eða andmælum vegna ofangreinds, ella mun stofnunin afturkalla skráningu iCell í samræmi við 5. mgr. 74. gr. fjarskiptalaga nr. 81/2003.“*

Við dagsetningu ákvörðunar þessarar hafa engar athugasemdir verið gerðar við þá fyrirætlun Póst- og fjarskiptastofnunar að fella niður skráningu fyrirtækisins. Þá hafa heldur engar greiðslur borist stofnuninni vegna umræddrar kröfu að upphæð kr. 650.690, að frátöldum dráttarvöxtum og innheimtukostnaði.

Af þessum sökum telur PFS nauðsynlegt að fella niður starfsheimild fyrirtækisins í samræmi við 9. mgr. 14. gr. laga nr. 69/2003, um Póst- og fjarskiptastofnun, þar sem fram kemur að vanræki fjarskiptafyrirtæki greiðslu árlegs rekstrargjalds er PFS heimilt að fella niður starfsheimild fyrirtækisins.

### III. Niðurstaða

Í 73. gr. laga nr. 81/2003, um fjarskipti, er fjallað um úrræði í þeim tilfellum þegar fjarskiptafyrirtæki fara ekki að skilmálum réttinda. Komist PFS að þeirri niðurstöðu að svo sé skal stofnunin tilkynna fyrirtæki um þá niðurstöðu og gefa því tækifæri til að koma skoðun sinni á framfæri eða lagfæra brot sitt innan eins mánaðar frá dagsetningu tilkynningar. Láti fjarskiptafyrirtæki ekki af broti sínu innan settra tímamarka, segir í 3. mgr. að PFS skuli grípa til viðeigandi ráðstafana, skv. 5. mgr. 74. gr. laganna en þar segir:

*„Þegar fjarskiptafyrirtæki fer ekki að ákvæðum laga, skilyrðum almennrar heimildar, skilyrðum sérstakra réttinda eða einstökum ákvörðunum Póst- og fjarskiptastofnunar getur stofnunin ákveðið í samræmi við ákvæði 73. gr. að fella niður skráningu fyrirtækisins, afturkalla réttindi eða bæta við skilyrðum.“*

Í 8. mgr. 5. gr. laga nr. 69/2003, um Póst- og fjarskiptastofnun segir jafnframt:

*„Vanræki fjarskiptafyrirtæki eða póstrekkandi skyldur sínar eða uppfylli ekki kröfur sem Póst- og fjarskiptastofnun gerir um úrbætur innan hæfilegs frests getur stofnunin svipt viðkomandi réttindum til tíðna og númera eða rekstrarleyfi fyrir pósthjónustu eða tilkynnt fjarskiptafyrirtæki eða póstrekkanda að hann njóti ekki lengur almennrar heimildar, að undangenginni skriflegri viðvörðun.“*

Að öllu framangreindu virtu er það niðurstaða Póst- og fjarskiptastofnunar í máli þessu að fella skuli niður skráningu fyrirtækisins með vísan til 8. mgr. 5. gr. og 9. mgr. 14. gr. laga um Póst- og fjarskiptastofnun sbr. og 73. gr. og 5. mgr. 74. gr. fjarskiptalaga hafi greiðsla ekki borist fyrir **1. september 2016**.

*Ákvörðunarorð*

Með vísan til til 8. mgr. 5. gr. og 9. mgr. 14. gr. laga um Póst- og fjarskiptastofnun sbr. og 73. gr. og 5. mgr. 74. gr. fjarskiptalaga, er skráning iCell ehf., skv. 3. mgr. 4. gr. fjarskiptalaga felld niður frá og með 1. september 2016 hafi greiðsla ekki borist fyrir þann tíma.

Ákvörðun þessi er kæránleg til úrskurðarnefndar fjarskipta- og póstmála og skal kærán berast úrskurðarnefnd innan fjögurra vikna frá því viðkomandi varð kunnugt um ákvörðun Póst- og fjarskiptastofnunar sbr. 13. gr. laga, nr. 69/2003, um Póst- og fjarskiptastofnun og 5. gr. reglugerðar nr. 39/2009 um úrskurðarnefnd fjarskipta- og póstmála. Um kostnað vegna málskots fer samkvæmt 5. mgr. 13. gr. sömu laga, auk þess sem greiða ber sérstakt málskotsgjald að upphæð 150.000, skv. 6. gr. reglugerðar um úrskurðarnefnd fjarskipta- og póstmála.

Reykjavík, 15. ágúst 2016

---

Hrafnkell V. Gíslason

---

Maríjon Ósk Nóadóttir